

[3] Lettre Missive, Touchant la Conversion et Baptême du Grand Sagamos de la nouvelle France, qui en estoit auparavant l'arriuée des François chef & souuerain.

MONSIEVR & Frere, Je n'ay voulu laisser partir le nauire sans vous faire sçauoir des nouvelles de ce païs que ie croy aurez agreables, d'autant que ie sçay, qu'estes bon Catholique, C'est que le Grand Sagamos, qui se dit en nostre langue Grand Capitaine des Sauuages, & le premier de tous, s'est fait baptiser le iour de la sainct Iean Baptiste derniere, [4] avec sa femme, ses enfans, & enfans de ses enfans, iufques au nombre de vingt: avec autant de ferueur, ardeur & zele à la Religion que pourroit faire vn qui y auroit esté instruit depuis trois ou quatre ans: Il promet faire baptizer les autres, autrement qu'il leur fera la guerre: Monsieur de Poutrincourt & Monsieur son fils les ont tenus au nom du Roy, & de Monseigneur le Dauphin. C'est desia vn beau commencement, ie croy que cy apres ce fera encores mieux: Quant au pays, iamais ie n'ay veu rien de si beau, meilleur ny plus fertile, & vous dis avec verité, & sans mentir, que si i'auois trois ou quatre Laboureurs maintenant avec moy, & [5] pour les nourrir vne année, & du bled pour enfemencer le labourage qu'ils pourroient faire de leurs bras seulement, du surplus qui me reuiendroit apres leur nourriture, i'espererois faire trafiq tous les ans de sept ou huit mille liures en Castors & Pelleterie: Je suis bien marry auant que

Les nouvelles de la mort du Roy n'estoient encores en ce pays là.